

# ՓԱՍՏԱՔԱՆՆԵՐԸ ԲՈՂՈՔՈՒՄ ԵՆ ՕՐԵՆՔԻ ՆՈՐ ՓՈՓՈԽՈՒԹՅԱՆ ԴԵՍ՝ ԱՐՄԵՆԻԱ TV-Ի ԱՆԴՐԱԴԱՐՁԸ

08.02.2018 10:20

Ըստ փաստաբանների՝ օրենքի փոփոխությունից հետո կդառնան չափազանց զգուշավոր, պասիվ, հետևաբար անարդյունավետ:

Փաստաբաններն այսօր դեյ օֆֆ են վերցրել, մեկ մարդու պես ու հանրապետության մասշտաբով, ոչ մի փաստաբան դատական որևէ նիստի չի մասնակցել:

Փաստաբանների մեծ մասն այսօր պալատում էր, աչքի պոչով նայում էին ժամացույցին, շուտով իրենց նիստն է, բայց որոշել են, նիստերին չեն ներկայանալու:

Իրենց՝ փաստաբանների խոսքով, ծայրահեղ քայլ են արել, չեն պաշտպանել իրենց վստահորդներին, այդպես բողոքում են օրենքի նոր փոփոխության դեմ, որով փաստաբանի և դատախազի նկատմամբ տուգանք կարող է կիրառել դատարանը:

Երկու դատական նիստերի չներկայացած փաստաբան Կարեն Մեժլումյանին անհանգստացնում է իր ու իր գործընկերների հեղինակությունը՝ հատկապես միջազգային հարթակներում, մինչև հիմա գլուխները բարձր էին, հիմա՝ դժվար թե:

Սանկցիաներ դատարանները, մինչև նոր նախագիծն էլ էին կիրառում, միայն թե նախ զգուշացում էր լինում, հետո՝ դիմում էին փաստաբանների պալատին: Այստեղ էլ կազմվում էր նախաքննական գործ, որն ուսումնասիրում էր պալատի խորհուրդը ու որոշում կայացնում, երբեմն՝ տուգանք կիրառում, իսկ ավելի հաճախ՝ գործը կարճում: Ամեն դեպքում, վիճակագրությունը հուշում է, որ վերջին 12 տարիների ընթացքում պատժված փաստաբանների թիվը նույնիսկ 50-ը չի անցնում:

Փաստաբանների մյուս հակափաստարկն էլ այն է, որ իրենց խորհրդի կայացրած որոշումները դեռ որևէ դատավոր այս տարիների ընթացքում չի բողոքարկել, ուրեմն, համաձայն են եղել: Փաստաբան Մաղաքյանն այս պահին երկու սանկցիա ունի: Դատարանը դժգոհ է եղել իր պահվածքից: Կարգապահական խախտում կա, թե ոչ՝ պետք է որոշի փաստաբանների պալատի խորհուրդը:

Փաստաբանի և դատախազի նկատմամբ տուգանքի կիրառման կարգավորումը Դատական օրենսգրքից հանվեց, բայց կառավարության առաջարկով լրացվեց քրեական և վարչական դատավարության օրենսգրքերում փոփոխության նախագծերով: Առաջինից երկրորդ ընթերցում ընկած ժամանակահատվածում, փոփոխությունը մի օրենքից տեղափոխվեց մյուս օրենք, փաստաբանները դժգոհում են, հենց այդ ընթացքում էլ եղավ ընթացակարգի խախտում:

Փաստաբանները եկան, նստեցին ու եզրակացրեցին, օրենքի այս փոփոխությունից հետո, իրենք կդառնան չափազանց զգուշավոր, հետո՝ պասիվ, հետևաբար պաշտպանությունը կզրկվի արդյունավետությունից: Իսկ մեկօրյա գործադուլը գուցե դառնա անժամկետ:

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```